

MERBAH BERINGIN
Ochraceous Bulbul

FAMILI: Pycnonotidae
NAMA SAINTIFIK: *Alophoixus ochraceus*

CIRI-CIRI

Individu dewasa sub-spesies *A.o.sacculatus* seakan-akan Merbah Rengkong Kembang (*Alophoixus pallidus*) tetapi bersaiz sedikit kecil dan mempunyai jambul yang lebih pendek. Selain itu, bahagian atas badan juga agak lusuh dan berwarna coklat serta tiada bintik berwarna kuning pada bahagian bawah. Sub-spesies *A.o.hallae* yang terdapat di selatan Annam dan Cochinchina pula mempunyai bintik-bintik berwarna kuning pada bahagian bawah badan dan agak sukar untuk dibezakan dengan Merbah Rengkong Kembang, kecuali melalui saiz, jambul, kurang warna kelabu pada bahagian tepi kepala, warna lebih pudar dan kurang kekuningan pada bahagian bawah badan. Bagi burung juvenil, bahagian sayap dan ekor berwarna kelihatan lebih kemerahan berbanding burung dewasa. Panjang keseluruhan pula adalah di antara 19 sm-22 sm.

MAKANAN

Ia memakan buah-buahan seperti dari jenis beri, serangga, nektar dan pucuk bunga.

HABITAT

Ia mendiami kawasan hutan tanah pamah dipterokap hingga ke ketinggian 1,525 m dari aras laut.

BUNYI

Burung ini biasanya boleh ditemui di bahagian tengah kanopi dan mengeluarkan bunyi bingit yang kasar *chrrt chrrt chrrt chrrt...*, *chik-chik-chik-chik* dan *chit'it-chit'it-chit'it-it* (nota *it* adalah lebih tinggi), dan kebiasaannya diikuti dengan bunyi yang keluar dari rongga hidung *eeyi* dan *iwu*.

PEMBIAKAN

Musim membiak adalah dari bulan Februari hingga April setiap tahun dengan burung betina mampu menghasilkan sehingga 2 biji telur bagi setiap eraman. Sarang pula dibina di atas anak-anak pokok dengan ketinggian 2.4 m dari aras tanah.

STATUS

Akta 76/72, dipelihara sepenuhnya.